

BOSNIA AND HERZEGOVINA
FEDERATION OF BOSNIA AND HERZEGOVINA
MINISTRY OF JUSTICE OF FEDERATION OF BOSNIA AND HERZEGOVINA

Broj: 09-45-2305/26
Sarajevo, 11.08.2026. godine

ZASTUPNIČKI DOM PARLAMENTA FBiH
n/r zastupnik Admir Čavalić

VLADA FEDERACIJE BiH
n/r Sekretar Edita Kalajdžić

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 27-08-2026			
Org. jed.	Broj	Priloga	Vrijednost
05/1	- 02-	387	/ 26

SARAJEVO

PREDMET: Zastupničko pitanje, odgovor – dostavlja se.-

Veza: akt Zastupničkog doma Parlamenta FBiH broj: 05/1-02-387/26 od 16.06.2026. godine, akt Vlade Federacije BiH broj: 03-04-852-20/2026 od 19.06.2026. godine

U vezi sa zastupničkim pitanjem, koje je postavio zastupnik Admir Čavalić, zastupnik u Zastupničkom domu Parlamenta Federacije Bosne i Hercegovine, a u kojem se navodi:

„Inicijativa za izmjenu Zakona o principima lokalne samouprave u FBiH- Da se u okviru Zakona integriše član zakona koji nalaže da su jedinice lokalne samouprave dužne organizirati izbore za savjete mjesnih zajednica najmanje jednom u četiri godine.“

Federalno ministarstvo pravde daje slijedeći:

ODGOVOR

Federalno ministarstvo pravde razmotrilo je zastupničku inicijativu kojom se predlaže izmjena i dopuna Zakona o principima lokalne samouprave u Federaciji Bosne i Hercegovine, na način da se propiše obaveza jedinica lokalne samouprave da izbore za savjete mjesnih zajednica organiziraju najmanje jednom u četiri godine.

U vezi s navedenom inicijativom, Federalno ministarstvo pravde ukazuje da je pitanje mjesne samouprave uređeno odredbama Zakona o principima lokalne samouprave u Federaciji Bosne i Hercegovine („Službene novine Federacije BiH“, br. 49/06 i 51/09).

Članom 28. navedenog Zakona propisano je:

„Statutom mjesne zajednice, u skladu sa statutom jedinice lokalne samouprave i aktom o osnivanju, utvrđuju se poslovi koje obavlja mjesna zajednica, organi, kao i postupak izbora, organizacija i rad organa, način odlučivanja i druga pitanja od značaja za rad mjesne zajednice.“

Iz navedene odredbe proizlazi da je pitanje postupka izbora organa mjesne zajednice, kao i njihove organizacije i rada, važećim zakonskim okvirom ostavljeno da se uredi statutom mjesne zajednice, u skladu sa statutom jedinice lokalne samouprave i aktom o osnivanju.

Pri tome je potrebno imati u vidu i odredbu člana 56. Zakona, kojom je propisano:

„Federalne, odnosno kantonalne vlasti dužne su u najvećoj mogućoj mjeri konsultovati jedinice lokalne samouprave u postupku donošenja propisa koji ih se direktno tiču. Konsultovanje, u smislu prethodnog stava ovog člana, federalne, odnosno kantonalne vlasti vrše putem saveza općina i gradova.“

S tim u vezi, eventualnom normativnom uređivanju navedenog pitanja trebalo bi prethoditi konsultovanje jedinica lokalne samouprave putem Saveza općina i gradova Federacije Bosne i Hercegovine, posebno imajući u vidu da bi se predloženim rješenjem neposredno uredilo pitanje iz oblasti organizacije i funkcioniranja mjesne samouprave.

Slijedom navedenog, Federalno ministarstvo pravde cijeni da se predmetna inicijativa može razmotriti u okviru procesa eventualnih izmjena i dopuna Zakona o principima lokalne samouprave u Federaciji Bosne i Hercegovine, uz prethodno sagledavanje njenog uticaja na postojeći sistem mjesne samouprave i konsultovanje jedinica lokalne samouprave putem Saveza općina i gradova Federacije Bosne i Hercegovine.

Federalno ministarstvo pravde će, u okviru svoje nadležnosti, navedenu inicijativu uzeti u razmatranje prilikom eventualnog pristupanja izmjenama i dopunama predmetnog Zakona.

S poštovanjem.



MINISTAR
Vedran Škobić

Dostaviti:

1. Naslovu,
2. U registar,
3. Arhivi.